

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-13071/12.
Zenica, 12.06.2012. godine

Z A P I S N I K
sa 66. sjednice Vlade Zeničko-dobojskog kantona
održane 12.06.2012. godine

Sjednica je održana dana 12.06.2012. godine, sa početkom u 15¹⁶ sati, u sali 109, prvi sprat u zgradi Kantona.

Sjednicom je predsjedavao Fikret Plevljak, premijer Zeničko-dobojskog kantona.

Sjednici su prisustvovali članovi Vlade:

1. Džemil Ugarak, ministar Ministarstva za privredu,
2. Bojan Bošnjak, ministar Ministarstva za poljoprivredu, šumarstvo i vodoprivredu,
3. Romana Brkić, ministrica Ministarstva za pravosuđe i upravu,
4. Mirsad Isaković, ministar Ministarstva finansija,
5. Rifat Delić, ministar Ministarstva unutrašnjih poslova,
6. Ivica Ćurić, ministar Ministarstva za rad, socijalnu politiku i izbjeglice,
7. Mirko Trifunović, ministar Ministarstva za obrazovanje, nauku, kulturu i sport,
8. Senka Balorda, ministrica Ministarstva zdravstva,
9. Raif Seferović, ministar Ministarstva za prostorno uređenje, promet i komunikacije i zaštitu okolice,
10. Ekrem Tuka, ministar Ministarstva za boračka pitanja,

kao i:

1. Berjana Ačkar, sekretar Vlade,
2. Mirsad Kadić, sekretar Sekretarijata za zakonodavstvo,
3. Dženan Begović, šef Ureda premijera,
4. Jasna Ahmetpahić, portparol,
5. Azra Smailbegović-Đuherić, zapisničar.

Premijer je stavio na diskusiju predloženi

DNEVNI RED:

1. Zapisnik sa 65. sjednice Vlade Zeničko-dobojskog kantona, održane 31.05.2012. godine;
2. Prijedlog Zaključka o utvrđivanju prava na naknadu plaće ministrima smijenjenim sa dužnosti u Vladi Zeničko-dobojskog kantona;
3. Prijedlog Zaključka o odobravanju sredstava za učenike generacije u osnovnim školama;
4. Prijedlog Zaključka o odobravanju sredstava za učenike generacije u srednjim školama.

Diskutovali su Sekretar Sekretarijata za zakonodavstvo i Šef Ureda premijera.

Članovi Vlade jednoglasno su usvojili predloženi dnevni red.

Prva tačka dnevnog reda

Članovi Vlade koji su prisustvovali 65. sjednici Vlade nisu imali primjedbe na Zapisnik sa 65. sjednice Vlade Zeničko-dobojskog kantona održane 31.05.2012. godine, dok su novoimenovani članovi Vlade isti primili na znanje.

Druga tačka dnevnog reda

Obrazloženje za ovu tačku dnevnog reda dao je Fikret Plevljak, premijer Zeničko-dobojskog kantona.

U diskusiji su učestvovali Ministrica Ministarstva zdravstva i Ministar Ministarstva za prostorno uređenje, promet i komunikacije i zaštitu okoline.

Vlada je jednoglasno donijela Zaključak kojim ministrima u Vladi Zeničko-dobojskog koji su razriješeni dužnosti, pripada pravo na naknadu plaće u visini njihove posljednje plaće, uključujući zdravstveno i penzijsko osiguranje, dok ne ostvare pravo na rad kod ranijeg poslodavca, a najduže 60 dana od dana donošenja Odluke Skupštine Zeničko-dobojskog kantona o potvrđivanju smjene tj. od 04.06.2012. godine.

Pravo na naknadu iz prethodne tačke pripada:

- Bernadeti Galijašević,
- Amri Babić,
- Jusufu Duraković,
- Samiru Selimović,
- Suadu Omerašević i
- Miroslavu Penko.

Sredstva za realizaciju prava iz tačke I. ovog zaključka osigurati će se u Budžetu Zeničko-dobojskog kantona za 2012. godinu, sa budžetskih pozicija resornih ministarstva u kojima su imenovani u tački II. zaključka obavljali dužnost ministara.

Za realizaciju ovog zaključka zadužuju se resorna ministarstva i Ministarstvo finansija, svako u okviru svoje nadležnosti.

Zaključak stupa na snagu danom donošenja.

Treća tačka dnevnog reda

Obrazloženje za ovu tačku dnevnog reda dao je Ministar Ministarstva za obrazovanje, nauku, kulturu i sport.

U diskusiji su učestvovali: Premijer Zeničko-dobojskog kantona, Ministar Ministarstva finansija, Ministar Ministarstva za prostorno uređenje, promet i komunikacije i zaštitu okoline i Ministar Ministarstva za poljoprivredu, šumarstvo i vodoprivredu.

Vlada je jednoglasno donijela Zaključak kojim se odobravaju sredstva u ukupnom iznosu od 6.400,00 KM (slovima: šesthiljadačetiristotine konvertibilnih maraka) učenicima generacije u 64 osnovne škole na području Zeničko-dobojskog kantona u pojedinačnom iznosu od 100,00 KM (slovima: stotinu konvertibilnih maraka).

Odobrena sredstva isplatiti po osnovu Budžeta Zeničko-dobojskog kantona za 2012. godinu, razdjel 11, budžetska organizacija 01, potrošačka jedinica 0001 – Ured premijera, ekonomski kod 614200, subanalitika BCD 201 pozicija “Transfer za posebno talentovane i nadarene mlade”.

Sredstva iz tačke I. ovog zaključka bit će doznačena na žiro račune učenika, odnosno njihovih roditelja/staratelja, koji se vode kod komercijalnih banaka.

Za realizaciju ovog zaključka zadužuju se Ured premijera, Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Zaključak stupa na snagu danom donošenja.

Četvrta tačka dnevnog reda

Vlada je jednoglasno donijela Zaključak kojim se odobravaju sredstva u ukupnom iznosu od 3.400,00 KM (slovima: trihiljadečetiristotine konvertibilnih maraka) učenicima generacije u 34 srednje škole na području Zeničko-dobojskog kantona u pojedinačnom iznosu od 100,00 KM (slovima: stotinu konvertibilnih maraka).

Odobrena sredstva isplatiti po osnovu Budžeta Zeničko-dobojskog kantona za 2012. godinu, razdjel 11, budžetska organizacija 01, potrošačka jedinica 0001 – Ured premijera, ekonomski kod 614200, subanalitika BCD 201 pozicija “Transfer za posebno talentovane i nadarene mlade”.

Sredstva iz tačke I. ovog zaključka bit će doznačena na žiro račune učenika, odnosno njihovih roditelja/staratelja, koji se vode kod komercijalnih banaka.

Za realizaciju ovog zaključka zadužuju se Ured premijera, Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Zaključak stupa na snagu danom donošenja.

Predsjedavajući je zaključio sjednicu u 15³⁴ sati.

SEKRETAR VLADE

Berjana Ačkar

PREMIJER

mr.sci. Fikret Plevljak, dipl.ing.

ZAPISNIČAR

Azra Smailbegović-Đuherić